

BISTA ATRAS RIBA CARNAVAL 98 (2)

Pa: Juby Naar

we mi ta sigui cu e bista atras riba carnaval 1998 y ayera ta masha comentario y critica mi a ricibi principalmente riba e eleccion di reina di carnaval, pero lo bin riba dje despues.

ESCOLAR

Mi mester kita sombre pa cada un di e eleccionnan cu a tuma lugar na e diferente schoolnan. Na e schoolnan aki, diseñadornan profesional por haya les den usamento di materialnan comun pa por diseña trahenan di carnaval, luhoso, menos luhoso, simpel, original, di fantasia etc. Principalmente den eleccion di MAO School pa saca nan reina, Colegio Arubano pa saca nan tres reinanan y durante eleccion di Reina Escolar por a aprecia e creatividad aki.

PARADANAN

ESCOLAR

E paradanan escolar lo ta bunita pa mira den UN solo Parada, pero cu cada school cu nan TEMA y disfraz, y cu juradonan pa escoge e schoolnan ganador, y individualnan ganador, y si tin roadpiece of carosa, inclui esaki tambe. E paradanan escolar te ainda ta mucho tira den direccion di Jump Up. Paparada escolar, bandanan musical y disconan mester por tin consideracion tambe y duna un prijs special,-- hasta gratis si ta posible-- pa stimula nos juventud. E prijs aki ta un bunita promocion pa e bandanan y disconan mes.

JUVENTUD

Por a nota e aña aki cu juventud a cuminsa drenta den gruponan poco poco y pa carnaval 45 ta ser spera mas juventud den gruponan. Ta bira tempo pa for di seno di juventud mes, sali lidernan cu ta organiza nan grupo juvenil, busca nan sistema musical(sea banda , brass-band of disco) pa toca pa

nan, y presenta nan grupo. Mi sa cu juventud por, pero ta e prome paso mester tuma lugar y sigui traha riba e intencion. Pa carnaval 45 mi ta sigur cu si juventud pone man na obra for di awor, Aruba lo por conta cu por lo menos 5 grupo juvenil di 200 te 400 persona cu nan tema. Si tin lidernan juvenil y otronan cu intencion di bira lider y cu kier un idea di organiza un grupo, mi ta dispuesto pa conversa cu nan, y pone man na obra. Esaki ta conta pa e schoolnan tambe.

PARADA DI CARNAVAL

E aña aki, e gruponan cu sigur a hala tur atencion tabata Coastal, Dream Team di Santa Cruz, Los Laga Bay, Hospi Jollies, Mascaranan di Noord, Cock-tailnan di Savaneta y Brasil di Wan Boy. Cada un a cumpli cu nan tema, un mas cu otro, pero tambe un mas grandi cu otro, un mas desaroya riba e tema cu otro. Si despues di Coastal, Dream Team y Los Laga Bay, e otro gruponan tabata mas grandi cu 300 pa 400 miembro y mas elabora riba nan tema, sigur e competencia lo tabata mucho mas fuerte. E aña aki a conoce categoria di mas di 300 cu tabata Coastal, Dream Team y Los Laga Bay, categoria di 100 pa 200 cu tabata e otro gruponan, y categoria di 30 pa 100. Un di e puntonan bunita di Coastal tabata cu e grupo aki a presenta un foyeto di 13 pagina, cu descripcion riba e tema di nan grupo, cu portret di cada un di e road-piecenan y esnan cu bodypiece cu a acompaña nan, y cu descripcion completo di cada roadpiece, e pakico e ta traha di e manera aki, kico cada cos ta representa, y poco di historia riba cada pieza. Esaki ta algo cu Grupo Shell tabata tin y Coastal a sigui despues y cu awe ta Coastal

si ta presenta. Si prome cu paradanan cada grupo presenta algo asina pa publicacion, dunando e publico splicacion completo, esnan cu a lesa di esaki, scucha di esaki na radio of mira nan na television, ta keda den expectativa pa e parada y sa mes ora kico nan ta mirando. E foyeto di Coastal sigur tabata un documento informativo, informativo historicamente y riba esaki, masha educativo.

PARADA DI NOORD

E aña aki, mi a cuminsa presencia parada di Noord for di mas o menos 300 meter despues di su comienzo. Organizadornan di e parada aki sigur lo a sinti nan mes malo prome cu e parada, mirando cu tur e peticion haci na e gruponan no a wordo cumpli. (Den paradanan grandi tambe sa haya e no cumplimento aki). Ora cu e parada a cuminsa, esaki a sali cu gruponan fuera di e orden planifica. Tabata tin gruponan cu no a yega o no tabata completo, haciendo cu e parada a sali den desorganiza. E publico na 500 of mas meter for di e comienzo y resto di e parada sigur lo no a ripara esaki, ya cu e parada a sigui su rumbo normal despues, aunke no manera a planifica. Aki e culpa ta riba participantenan. Nan ta ricibi informacion di e organizadornan pa ta 12 or na salida, cu pa 12.30 or ta cuminsa prepara sequencia di salida 1 or, y toch e participantenan no ta presenta na ora y ta bruha asina e mapa completo cu nan a ricibi di formacion di e parada. Den parada grandi di SAC tambe e cos aki ta tuma lugar tur aña, y e aña aki na salida tabata tin hasta problemenan cu e sequencia debi na e yegamento laat of di no tabata cla pa salida 11 or.

MUSICA DEN PARADANAN

E aña aki, te na ultimo, tabata tin agrupacionnan di Aruba cu no tabata tin toca durante parada. Por a tende president di ASOMA menciona cu "TUR banda di Aruba ta den Parada" locual sigur no tabata verdad. Ningun hende por a mira Cocoloco Band, ganadornan cu Long Roy como Roadmarch King den paradan. Segun mi tin entendi, lo a keda bisa durante deliberacionnan cu e banda aki "Mester proba su mes" y tambe a ser menciona cu esaki lo a sali di hendenan relaciona cu Coastal Club, kendenan a ser menciona. Esaki ta e "Nonsense" di mas grandi expresa, pasobra e banda aki a toca pa e mes hendenan aki na varios ocasion den Sanifesta, e banda aki a gana cu tumba cu Chicho Kock aña pasa, e banda aki a acompaña Chicho cu a clasifica den calypso e aña aki, e banda aki ta toca HENTER aña tanto den hotelnan como pafu di hotelnan, y ta banda cu a toca den parada caba..... AINDA e tin cu demostra su mes pa por toca pa Coastal? Nie CONTROL cu Coastal a contrata di exterior no ta para na pia di Cocoloco Band di nos isla, pa expresa cu Cocoloco Band mester demostra su mes. Por tin tur sorto di declaracion di dirigentenan di Coastal Club, di dirigentenan di Asoma y hasta kizas di dirigentenan di Cocoloco Band mes, pero e impresion cu mi tin di tur locual mi a tende di e asunto aki, ta cu "Un wega a wordo hunga" y esnan envolvi, pa cierto interesnan sigur lo no habri boca y admiti esaki. Asoma y otronan por bisami cu e banda hinca den otro cu a toca den parada tabata UN Banda Completo? Si... E tabata un banda den parada, pero dos banda cu



NI TA EXISTI MAS hinca den otro artificialmente pa toca, pa mi no elabora riba e asunto aki mas aleeuw.. Por ta cu tabata tin cierto interesnan pa por hinca UN BANDA completo den parada, y despues nan ta keda MORTO TE OTRO AÑA atrobe? Ehm, eehmm.....Ora sinta conta placa, "Equis" mil florin en verdad ta hopi placaEhmm... E cos aki ta ponemi corda e asunto di entregamento di placa di Concurso di Calypso/Roadmarch na SAC, 5 or atardi di e dia cu pa 3 or di madrugada, e caha a desaparece na Palo Marga sin cu e controladornan di SAC tabata presente na e momento ey y cu a bin sali afo cu ta tanto placa SOoooo tabata tin den caha. Awor mi bista ta keda pa mira cual banda ta bay Hulanda, kendenan ta bay Hulanda y pa despues mi saca algun cos afo cu ta keda den reserva por lo pronto.

ROADMARCH KING

Ki mishi den un carnaval e Rey di Roadmarch, e cancion Rey di carnaval, e banda ganador ademá, ta keda for di parada? Ta na Aruba so e cosnan aki por tuma lugar.

PARADA DI BLAAS

E parada di blaas di Aruba

toca cierto oranan. Tin hendenan cu a presenta for di 6 or atardi den San Nicolas pa atende e Happening y pa 10 or a bira bay nan cas back sin cu e actividad a cuminsa. Pa otro aña lo ta bon pa e fecha ta stipula pa keda, y cu organizadornan lo haya tempo pa haci e preparacionnan necesario y nan sound check durante dia of atardi pa e actividad resulta loke e semper tabata, cu excepcion di e aña aki.

GRUPONAN Y NAN PREPARACION

Nos sa di awor caba cu Otro aña e Weekend di paradanan lo ta 13 y 14 di februari. E temporada lo ta un siman mas cortico cu e aña aki. Ta bon pa gruponan for di awor cuminsa cu registracion y na mes momento cuminsa na colecta placa pa disfraz for di awor, den sistema di Cash, paga semanal, mensual, cada dos luna, cada 3 luna, pero sigur no warda te ora februari dreña pa cobra placa. E aña aki varios grupo a haya golpi financiero debi cu hendenan ta registra of inscribi, disfraz ta wordo traha, y diripiente nan ta laga tur cos para y join otro grupo, of keda sin participa, sin cu ta informa e organizadornan di antemano di esaki. Calculacionnan y presupuesto mester cuminsa wordo traha y tambe sistema pa facilita pago, y traha riba grupo di awor caba. E ehemplo bunita ta keda "Dream Team" cu a traha henter aña pa nan carnaval y a presenta na manera precioso den carnaval. Otro manera ehemplar ta esun di Los Laga Bay cu durante henter aña ta haci su "cosnan" di preparacion y tin registro completo di cada un persona cu a yega di participa y cu ainda ta participa. Lo ta bon pa organizadornan y distritonan eligi nan reinanan durante aña, pa asina SAC tin mas fecha liber pa otro actividadnan den e periodo cu lo ta cortico atrobe na 1999.

JUBU HAPPENING

JUBU Happening dilanti Las Vegas e aña aki no a resulta locual e sa ta. Den añanan anterior, JUBU Happening tabata un di e actividadnan mas grandi den San Nicolas prome cu paradan. E aña aki cu tur e cambionan cu tabata tin y e poco informacion cu por a ser duna di actividadnan a pone cu e anochi JUBU no a resulta exitoso manera ta custumber. Ademas el a pasa den varios problema tecnico. A anuncia ora di comienzo tempran, y cu bandanan lo

CU KAVEL O SIN KAVEL

E asunto di Kavel tambe a bira un cos cu no por confia ariba pa varios aña caba, ni cu ta wordo menciona cu palabranan di oro cu Notario ta seya buzón etc. Tin un irregularidad tumando lugar aña tras aña cu dunamento di Kavel. E confianza cu mester tin den Domeinbeheer pa atende e asunto aki ta cabando na nada. Aña pa aña e confianza ta birando menos. Tin algo cu sigur no ta anda bon den dunamento di Kavel a Domeinbeheer. Despues di dunamento di Kavel, mester tin control tambe riba esnan cu ta ocupa e diferente kavelnan. Tin bendemento formal di kavel tumando lugar despues. E stipulacionnan encuanto uso di acera tampoco ta wordo cumpli y e publico ta wordo mal zundra, si nan para dilanti trailer of dilanti e lugar di Kavel. Na dos departamento, riba e ruta, e lugar a bira lugar di fiesta di esnan cu ta trahacynan y publico no por a yega ni cerca.

POLISNAN

Di comportacion di polisnan, te asina leeuw cu mi a pasa aden cu polis den diferente actividad, mi no por

keha. Tabata tin mencion di un of otro maltrato, pero di esaki mi no por bisa nada. Tur polis cu mi a haya mi mes cu nan durante henter e temporada, a traha corecto te unda cu mi a experimenta esaki. Tin di nan cu a traha oranan largo tras di otro cu masha poco sosiego y por a nota esaki tambe riba nan cara. Ningun caminda mi no a nota un agente policial cu lo a actua for di sla. Tabata tin si un caso cu a wordo publica di un musico joven, y mi ta inclina na kere su version, conociendo e musico dominicano aki como un persona masha tranquil. Den e caso aki si mi ta bisa cu e actitud di polis mester tabata otro, averigua prome cu tuma medida drastico y equivoca. Pero si el a equivoca mes, kende lo por a gana e version di polis, principalmente durante actividad di temporada di Polis... ehm..perdon... actividad y temporada di carnaval?

CRUZ CORRA Y BOMBERONAN

Durante temporada di Carnaval por a mira e miembronan di Cruz Corra un biaha mas na nan postnan y gruponan di miembro riba e ruta. E voluntarionan aki e aña aki te asina leeuw cu mi informacion a bay, no a haya nan mes cu casonan di sumo

urgencia, pero si cu casonan caminda mes ora nan por a duna atencion. Bon trabao nan a haci atrobe. Bomberonan mi a mira na varios lugar cla pa por cay aden asina cu algo mester sosode. No tabata tin casonan di urgencia pa bombero tampoco, sinembargo, semper ta bon pa mira nan y sa cu nan tey pa nos seguridad. By the way....., mi por hasta menciona con na San Nicolas prome cu temporada a yega su fin, mi a ricibi un servicio "Eclipsial" di bomberonan di San Nicolas. Como cu no tabata tin lugar pa mi a staciona mi auto, mi a para esaki banda pazuid di muraya di edificio di bombero. E meneerman cu a duna e trucknan un laba, a mira e auto cu tabata tin 11 luna, 3 siman, 6 dia y 23 ora, 55 minuut, sin laba, y nan a duna e auto un "Spuit" lague limpi limpi. Mi a bay busca mi auto pa sigui mi caminda, y tabata manera ta luna a cruza dilanti solo.... Danki señores! Ainda tin un parti mas cu lo bin cune pa cera e "Bista...." mañan. Hopi reaccion a ricibi ayera di lectornan, sinembargo no por bay usa tur di nan den e "Bista...." ya cu tin di e reaccionnan cu sigur no ta apto pa publicacion, principalmente ora cu nan ta wordo dirigi riba personanan den forma di tira piedra sconde man.

